

OMUKWETU

Oshifo shOngerki onkwaevangeli paLuther yomOwambokavango / Die Tydskrif van die Evangeliese Lutherse Ovambokavango Kerk

No. 9

MAI

1967

EADHIMO LYAKALUNGA

Joh.17:24-26.

“Tate onda hala omboka we ya kano ogwo egeelo nethingo. Otu na pa ndje ya kale wo nkoka ndi li o-oku gu tala kutya, ogwo eadhimo po ya tale eadhimo lyandje we li pa lyetu.”

Eadhimo lyaJesus ndyoka te li popi olyo olyopatatu:

1. Omushigakano ogwa li eadhimo lye. Olwindji peha lyokupopya okwaalelwa okwa popi okwadhithwa. Onkene eadhimo lyomukriste, olyo omushigakano ngoka e na okuhumbata. Okuhepekela Kristus okwo eadhimo nesimano. Katu na okudhiladhila kutya, omushiga-

omushigakano kagu shi owala omutenge. Oshilonga kehe, tute, oshipewalanga shoye ho shi longo medhina lyaKristus osho omushigakano, osho eadhimo lyoye. Uuna wu uvite sha dhigupala neadhimo wo olya ninga enene, shaa tuu to humbata medhina lye, oshoka uuna aavu ya indjipala, nondohotola tayi longo unene, opo wo mpoka tayi sinanekwa nokutangwa natse osho tu

li. Uuna ukriste wa dhigupala, olyo eadhimo. Esimano lyetu twe li pewa kuKalunga, shaa tatu humbata medhina lye.

2. Jesus okwa vulika kehalo lyaHe. Olyo esimano lye, osho ano omuntu ita mono esimano neadhimo mokulonga ngaashi ye mwene a hala, aawe, omokulonga ngaashi Kalunga a hala, ngele tatu kambadhala okuninga ngaashi twa hala, otatu imonene owala omupya noluhodhi notatu lupe nooyakwetu wo. Mokuvulika kuKalunga omo amuke tatu mono eadhimo nesimano lyashili lyokomwenyo. Kevuliko oko keadhimo.

3. Eadhimo etitatu ndyoka Jesus te li ipopi olyo ndi: Mokweenda kwe, miilonga ye, moohapu dhe, miilongankondo ye, meyumuko lye nomelondo, aantu oya ndhindhlike uukalunga we. Oya mono noya kumwa, ya holola kutya, kape na ngoka ta vulu okukala ngaashi Jesus, okuninga e noonkondo dhuukalunga. Ano, eadhimo lyoye ongele mungoye tamu monika olupe lwaKalunga. Oulu na? Ongoye oto adhima mokuyakula yakweni. Oto adhima mokuhololela yakweni ohole yaKristus. Ouyi na?

Mokuhumbata omushigakano omedhina lye nokuvulika kehalo lye, omo tamu ku zile ondjelo Ye yi monike mungoye.

Hosea Nampala.

JESUS TA YI MEGULU Luk. 24:50-53.

Jesus okwa twala ovalongwa vaye kuBetania nde okwa yelula omaoko aye nde e va nangeka noupuna. Ndele opa ningwa eshi e va nangeka noupuna, okwa tukuka navo nde okwa ya meulu. - Ovalongwa ove mu ilikana nokutwa eengolo nde ova shuna kuJerusalem nokuhafa unene. Ova kala alushe motembeli nukuhambeleda Kalunga.



JESUS A LONDO

KEGULU,

HALLELUYA!

Wa londo ihe ngoye, to kala putse mpa. Muudhigu aatsa yoye, e to tu kumidha. Oho tu talaleke koohapu dhoye dha pwa. Eto tu papatele, nge ta tu loloka! Ehang. 96:2.

OMUKWETU

MAI 1967

OMBIMBELI MOSHINAMA OYA HOLOKA

Ope nenyanyu enene ngashingeyi mehistolli lyaaNama yaSuidwes, oshoka Ombimbeli ayihe mOshinama oya nyanyangidhwa noya taandelithwa. Omuhongi Diehl gwaWindhoek yo nomunama Izaks oya li muKaapstad okehanganano lyoombimbeli lyaSuid-Afrika. Oko ya pewa Ombimbeli yOshinama kwamushanga omukuluntu gwehangano lyoombimbeli, omusamane J.T. M. de J. van Arkel, amushanga omukuluntu gwehangano lyoombimbeli muSuid-Afrika.

Mboka haa popi oshinama oye li po 50, 000, nOmbimbeli ngashingeyi otayi monika melaka lyawo yene. Osha pula oomvula 140, sho oshiyimati shika sha holoka po. Omuvo 1822 omuhongi Schmelen gwEhanganotumo lyokuLonden, okwa pewa lwotango a tameke okuluandulula Ombimbeli mOshinama. Omumvo 1825 a lundulula nookuli omaevangeli gane, ngoka ga nyanyangidhwa muKaapstad omumvo 1831. Melundululo ndika omuhongi Schmelen okwa landulwamo kuHans Knudsen a zile kuNoorweë, ngoka omumvo 1846 a lundulula evangeli lyaLukas nokwe li nyanyangidhitha muKaapstad. Aahongi mbaka oya kala muBethanië. Konima omuhongi Krönlein e ya kuBerseba omumvo 1841 nokwa lundulula Etestamenti Epe alihe nOmapi salmi melaka lyOshinama. Moomvula 1870 sigo 1880 okwa lundulula Etestamenti Ekulu alihe mOshinama. Oye e li endulula ishewe nawa yo naaNama. Elundululo ndika lyaKrönlein sho lya pu, olya tumwa kehangano lyoombimbeli kuLonden noka lya kala lya pungulwa oomvula dhi vule 50.

Omumvo 1938 oskola yaasita naayevangeliste yomUushimba oya totwa nompumbwe yOmbimbeli yomOshinama oya nenepala. Onke elundululo lyEtestamendi Ekulu olya longekidhwa li nyanyangidhwe. Moshilonga shika omusita omuNama Hendrik Izaks okwa longo nuupenda, ngaashi okuza kuGenesis sigo Aatokoli. Opwa kala omalongekidho ogendji giinyolwa mbika. Sho agehe ga pu, Ombimbeli melaka lyOshinama oyanyangidhwa ano ngashingeyi muKaapstad.

ELUNDULULO LYOMBIMBELI MOSHIKWANYAMA

Ongerki yOwambokavango netumo oyi ipyakidhile ngashingeyi nelundululo lyOmbimbeli ayihe melaka lyOshikwanyama. Omusamane Björklund sho a li kEenhana okwa tameke oshilonga shika notashi tsikilwa nanena. Ope noshigongi shelundululo ndika noomvalele dhUukwanyama odhi li iilyo yoshigongi mewiliko lyaatumwa. Mwa tala nkene elundululo lyOmbimbeli mOshinama lya pula oonkondo nuupenda waa lundululi nosha kala oomvula odhindji manga Ombimbeli yoyene inaayi holoka. Mboka ya yuulukwa Ombimbeli melaka lyawo,

ye nokutegelela ashike nomukumo ethimbo ele. Ye nokugalikanena oshilonga shelundululo naalundululi, sigo Kalunga ta gwanitha ehalo lye pethimbo lye.

Otu nolupandu olunene kudr. Martin Rautanen ngoka e tu lundululile Ombimbeli mOshindonga. Uupenda we inau dhimbiwa. Ngele ishe-we Ombimbeli yomOshikwanyama tayi ka holoka komeho, olyo elago nuuyamba wAawambo. - Tu hambeleleni wo Kalunga pamwe naaNama omolwOmbimbeli yawo sho ya holoka. kuShemuvalula.



Dr. Martin Rautanen, ngoka a lundululile Ombimbeli melaka lyOshindonga.

KUUKWALUUDHI NALE

Pethimbo ndiyaka iilongo yopuushiinda wUukwaluudhi: Ombalantu na Uukolonkadhi, ya li natango momilema dhuupaga. Iilongo mbika iishona ya li muudhigu uunene, sho ya nyengwa okwiipopila nokukondjitha iilongo iikwawo iinene mbiyaka ya yugu oshilongo shawo. Oyo ya li yaa nomukwaniilwa. August Hänninen okwe ya talela po nokwe ya uvithile oohapu dhaKalunga. Mbalambala aantu yi longo ngaa oku mu tseye. Oyo ya panga uukume naye noya gongalele nawa miigongi. Oyendji ya talele po Hänninen kUukwaluudhi.

Hänninen sho kwa yi lwotango kUukwaluudhi, okwa kuutumba ethimbo ele naakuluntu yoshilongo nokwe ya hokololele, aalongi oyo oolye nohaa longo shike. Aantu ayehe nkene ya etha Kalunga nohaa ende momilema. Ihe nkene Kalunga okwa tumu Omwana mohole ye okukonga mboka ye li momilema. "Kalunga e mu hole

nokwa hala, mu ninge aana ye, ngele tamu taamba oohapu dhe." -Oyo ya zimine noyi indile, ya pewe mbala omuhongi. Molweendo lutiyali efolo Julia a li mo wo. Aakolonkadhi ya mono lwotango omukiintu omutiligane noye mu kuminwa.

Hänninen sho kwa yi lutitatu a li pamwe nomusamane Heikki Saari.

-Otse twa hala okuuva oshili, ha-iifundja, galukeni mbala kutse! Osho omukulupe gumwe a ti:

Aalumentu ya pulakene nehalo ewanawa omauvitho gaaSoomi. Mosondaha kwa gongala aantu 300 melongelokalunga. Ayehe ya kuutumba nokumwena nokupulakena nawa.

Hänninen okwa tumu kUukwaluudhi aakriste yamwe, ngaashi omusamane Abraham oko a kala ethimbo ele. Omusamane Hänninen okwa li ina pewa manga omuyakuli Omuwambo. Ihe nando ongeyi, oshilonga sha koko nosha kolo.

KALUNGA A POPITHA ISHEWE PAULINUM

Tate Kalunga okwe tu popitha ishewe tse aalongwasita yaELOK, sho a kutha po omulongwa cmukwetu Petrus Hamunjela gwomegongalo lyokOngenga, eti 4 lyaApilili 1967. Okwa manene oondjenda moshipangelo shaUsakos.

Tate Hamunjela oye a hupile po e li nawa unene mokati kaamboka inaatu lala mombete konima yoshiponga shoshihauto eti - 4 Malitsa. Omasiku gamwe sho ga piti po, okwa kwatwa kuuwehame mepunda nokwa falwa koshipangelo shaUsakos, hoka a tandwa nopwa dhimbululwa, nkene ofu yomandjandja ge ya tuuka nomandjandja itaga vulu we okulonga iilonga yago. Walyewo pamwe oshiponga shika okwe shi mono uuna twa kandemwa. Sho a tandwa inapumonika elundulu ko lyasha, onke a tandululwa ishewe olutiyaali. Okwa kala ihe ta tulwa ashike omakende gombinzi nogomeya molutu ihe natanngo inapu lunduluka sha. Ondohotola okwa dhimbulula kutya, kape na we ekwatho lyasha. Pethimbo tuu ndyoka sho pwa tseyithwa kutya, kape na ekwatho lyasha, tate Abisai Shejavali okwa yi ko koshipangelo opo a talele po tate Hamunjela. Tate Ha-

munjela a kala keena omalimbililo gasha sigo opehulitho, onkene okwa pe tate Abisai omakundo getu Eps. 103 neimbilo ndyoka "Keshe apa ye ta twala nge" osho wo eimbilo ndyoka: "Molumbogo lwoonkali mu nepya lyOmuwa."

Opwa piti ngaa natango omasiku gamwe konima yetalelepo lyatate Abisai, opo ihe eti 4 lyaApilili tate Hamunjela a hulitha niitya mbika: "Ondi wete Omukulili wange noshishani shange meke laye." Manga inaa tumbula shika okwa ti wo kutya: "Ayihe oya longekidhwa ya pwa. Onke aalongwa aakwetu, uvitheni evangeli lyOmuwa, ndyoka mwa ithanenwa." Omukulukadhi gwanakusa, meme Loini Tuukondjele, oye a li a kalela omusamane gwe.

Ongulohi omukuluntu gwoskola dr. Theo Shundermeier okwa yi pamwe natate Abisai oku ka tala omudhimba kuUsakos. Ongula yeti - 5 Apilili oshiketha shomudhimba osha patululwa mwiya mongerki yaPaulinum, opo aanona yanakusa naantu ayehe yaPaulinum ya tale lwahuguni na oshipala shatate Petrus. Opo ihe oshihauto sha fala omudhimba komaendo tashi ende kashona, niuhauto yilwe nongundu onene yaantu ya landula ko.

OTU NA TUU OSHIHAKO SHOMBEPO?

Omumwameme, otatu ipula tuu, nenge otwa kotha owala oomposi dheso? Otu na tuu ombepo yOmuwa gwetu Jesus Kristus, nenge otatu teleganithwa owala komutondadhi? Omukwetu cmuholike tu ikonakone manga ethimbo ewanawa. Tu tameke ngashi-

OSHI KE TASHI YA?

Oonkundana mooradio, ndhoka tadhi tumwa miilongo yi ili noyi ili, osho wo iifo yoonkundana, okuza omumvo gwayi nonuumvo otatu kundana oonkundana tadhi popi oshitopolwa shika shaSuidwes. Aakriste taa tegelelwa ya galikanene aapangeli yetu mokutunga kwawo onkalo yetu yokomeho.

Oshoka tu shi shi kutya, Suidwes sho ta popiwa ngeyi olwindji moonkundana, ongondjupa naanaa yi li komuhikilo tayi hikwa. Mondjupa ngele mwa tulwa omahini gomunya, mokuhi-kwa otamu zi omaale nomagadhi. Shika tashi eta uukwashili kutya, ethimbo lyokomeho otali tu etele omalunduluko omanene.

ngeyi, tu indile Omuwa Jesus e tu pe oshihako shombepo gwe Cmuyapuki.

Twa fa twa dhimbwa oku galina. Cmbepo yCmuwa ya fa inayi nginga oshihako moomwenyo dhetu. Onkee twi indile omukulili etu pe Ombepo ye Ondjapuki, tu ninge gwe, tu longithwe kuye. Tu gandje sha kooyakwetu shomohapu dhe. Tu hilile ooyakwetu kehupitho lyomwenyo gwaa-luhe.

Tu kaleni twa tonata medhina lyaJesus Kristus. Ngee tu li muudhigu nenge menyanyu, twa taalelitha oomwenyo dhetu kuJesus tu pewe Ombepo ye Ondjapuki, tu udhithwe esilohenda, ombili, olukeno, enyanyu nohole.

Tu ilongekidhe oomwenyo dhetu okutsakaneka Omukulili gwetu. Tu kaye menyanyu lyaaluhe. Mombinzi yOmuwa Jesus otatu yapulwa. Ndjoka yetu kulile moondjo dhetu, ndjoka ya tikile kuGolgata. Ndjoka ya tikile uuyuni auhe. Omuwa okwa sile oondjo dhaayehe.

Tu tameke ano nena oku kugila Omuwa."

H. Muatile Shipopyeni

Pomweelo gwomaendo aasita Abisai Shejavali, Urho Poikolainen naTheo Sundermeier, ya kwatele aahumbati yoshiketha shomudhimba komeho nokweenda kashona. Ongundu yaantu ya landula ko nokweenda kashona noku uka kombila, manga aahiki yomankuma yaPaulinum taa hiki eimbilo limwe.

Manga oshiketha tashi kulukithilwa mombila aakadhona yomoBybelskool oya imbi eimbilo "Oshoka osho Kalunga a kala e hole uuyuni." Omusamane Urho Poikolainen a yapula ombila. Dr Theo Sundermeier naAbisai Shejavali ya lesa oohapu dhomahekeleko noya ningi omapopitho pafupi.

Dr. Theo Sundermeier a lesa Eps.126. Okwa popi kutya, tse atuhe mboka twa thikama pombila ngiika inatu hala okuzimina kutya, Omuwa okwa lundulula shili okukala kwetu ngaashi tashi popiwa mepsalomi ndika 126. Oshoka inapu pita omasiku ogendji sho twa li twa kunu olutu lwakuume David Shetunjenga, osho wo kOwambo olutu lwaAarne Hartikanen ngoka a kwatha Paulinum mokunyanyangidha omambo. Osho wo momaendo tuu nga gaTjimbingwe twa fumvike miiwike ya piti omukadhona Rebecka Gertse, ngoka a li omuyakuli gwaatumwa mUushimba. Nena otwa thikama ishewe pombila yakuume ketu Petrus Hamunjela. Otatu vulu ano ngiini okuzimina Epsalmi ndika. Okwa fatulula kutya, otatu vulu okuzimina kutya. Omuwa okwa lundulula okukala kwetu ongomilonga dhoomvula mevi lyokuumbugantu, sho e tu sindile eso nokwe tu pe endhindhiliko lyomushigakano, ngaashi tali monika koombila dhetu. Endhindhiliko lyomushigakano endhindhiliko lyeshindano. Molwoshilonga shekulilo Epsalmi ndika otali tu opalele wo nando twa soluhodhi molwomadhengo ngoka twa dhengwa nago. Omusitagongalo Abisai Shejavali a lesa wo Neh. 8:10. ONKEE ANO INAMU NIKUUTHIGWA, OSHOKA OKUNYANYUKILWA O-MUWA OKWO OMUKUMO GWE-NI.

Ombila yatate Hamunjela oya tegama naandjoka yatate David Shetunjenga huka komaendo gokOtjimbingwe. Otatu halele meme Loini nolualo lwe aanona yatano, ehekeleko lyatate Kalunga. ITATU SI OLUHODHI, OSHOKA OKUNYANYUKILWA O-MUWA OKWO OMUKUMO GWETU.

Heikki Uushona.

ONE UUYELELE WUUYUNI!

Mat. 5: 14

Etumbulo ndika "One uyelele wuuyuni" olya tumbulwa kuJesus mwene. Okwe li popi ta lombwele aakwanevi mboka ye li po taa yalulilwa mongundu yooitaali mboka ye mu itaala noye li megongalo lye.

Uuyuni otau tegelele uyelele mboka tau zi mungoye, ngoka wa

tulwa po uyelele wokuminikila muuyuni. U wu minikile, u mone wo onte ya za mungoye, opo u mone ko u nokuya nondjila yini po nou nokukatukila peni.

Sho wa ningi omukriste, owa lombwelwa elombwelo lyakola sho kwa tiwa: Indeni, ka ningeni aantu ayehe aalongwa yandje, ne mu ya shashele medhina lyaHe nolyOmwana nolyOmbepo Ondjapuki! Ndishi shika osha fa owala sha ningi ohapu

yongerki? Ohapu ndjika oya fa owala ya ningi yondjigilile. Oya fa yaa na nawa oonkondo dhasha mutse paku yi tongolola sho tatu yi tala.

Uukriste wandje nowoye owa fa owala wosima, a. Otwa feni owala tatu ifundjaleke nokwiithana otse aakriste, ihe nani hasho. Oshoka, shoka hashi ningwa kwaamboka hatu yalula kutya oyo aapagani nenge oyo aadhinikalunga, osho wo natse hatu ningi. Ko taku tiwa ngaa kutya, otse aakriste. Eyooloko lyoye nomupagani oli li peni nenge eyooloko lyandje naapagani otali ulikwa koshike? Aapagani mboka ya li ya hala ya taalele kuKristus otwe ya galulii ko. Oshoka sho ta dhiladhila e nokweetha onkalo ye yoshito noku-tameka onkalo ompe. ano sho a yelekanitha onkalo yaakriste yopuyo nonkalo ye mwene, a, okwa fa kee wete po elunduluko lyasha. Nonkee ta tameke ta si uunye nokwiipopila noohapu odhindji dhoku itsa omukumo muupagani, ndhoka dhi noonkondo dha za maakriste.

Sho wa thigi po egumbo lyoye wa ka kalela okandingosho komiitekulilo aniwa, mwa ti ekondjo lyokuya komeho, naapagani wo osho haa ningi, osha kolekele naanaa aapagani oyendji muupagani wawo.

Uukriste woye nenge wandje owa shike? Osho ngiika nda shashwa ngaye nda kolekwa? Osho handi gandja iigandjwa yomumvo aluhe? Osho ngiika ihaandi faula kongerki? Osho ngiika handi galikana nokuyakula oondjendi noohepele?

Ndhindhilika kuume kandje u tale. Eu ndishi olya faathana ngaa niilya ando? Oshike lyaa holike? Oshike lyo oshimeno sha faathana naanaa naambyoka ando tu tye, yoongwena ihe ihali mene kondje yepya? Koto-ka! Siku limwe ongoye eu nenge ongame eu megongalo lyamwene?— Eu oli na naanaa omafo ga faathana no-giilya.


Jesus Kristus ota ti: Eitaalo lyaa niilonga olya sa. Iilonga tayi popi-wa kayi shi mbika yoku gwanitha owala oompango dhegongalo ngoye waa neitaalo lyashili ando. Nonando u ihepekele ongerki ngoye waa neitaalo, eihepeko nekondjo lyoye olyowala. —Tameka ano ngashingeyi uu-kriste washili, opo u ninge uyelele wuuyuni. Uyelele mboka tau monika kokule u minikile ayehe. Eimbi-lo: 606.

Epafra Emvula.

OMIDIVA DA TELWA odokuyula eeshi momeva efundja, ove oshi ile oshikolokofya momudiva waKalunga?



Mefano oto mono ouluwa, wa tawakana oshana shomeva efundja. Momeva omuyadi eeshi neenhangu, odo da halika omolwombelela. Poumhito opa telwa omidiva. Efundja nge le uya, oshilongo kashi na unene vali omukaa nde hatu ti oku noshishipo.



Apa omidiva da telwa.

AAGUNDJUKA INAA SHASHWA YE LI MOMUDHINGOLOKO GWOWAMBOKA-VANGO, otaa hiywa, yi ishashithile mbala medhina lyaKalunga katatukamwe.



Omusita M. Sikondomboro, ta shasha aapagani momukunda Ombambi mOkavango.

EENDJOVO DEVANGELI DI TANDAVELI-FWE!



Mefano oto mono ongudu yovadiakoni, oyo ili mEngela paife. Ovo tava tekulilwa eyakulo lokuyakula ovakwanaluhepo mongerki yetu. Komesho kwa fikama omulongi wavo meme Aili Mwatootele. Okwa longa paife eedula nhano mEnongelo.

ONGUEDIVA OTAI LYATA OKULYATA

Omugundjuka umwe Robert M. Karapo, omukulunhu womatanga mo-Seminali mOnguediva ota ti: "Onguluve ya dala kai lika kombwa."

Onghe ne ye ota pandula unene eengudu mbali dovadani vetanga mOnguediva. Ongudu imwe ohai ifanwa "Morning-star" (mawila) nonhivali: "Eleven brothers" (ovamwainafana omulongo naumwe). Eengudu edi mbali da danauka nambali dokOshigambo.

Tala ne ta, uhali po ino tala, moule wotundi imwe ova pa nale va-Shigambo eekola 4, fir:bo vo va pe-wa imwe ashike.

Eengudu edi mbali dovaNgediva oda fimana nde otadi litange. Oshikumwifa eshi osha ningwa momafiku 22 Apilili 1967.

Ame ohandi ti: "U hena mukulu, litwika! U hena ndenge litumbila."

Elideulo tali ke uya ohatu li tambula nehafo. Ashike onghenda, fye ohatu ku etele, osheshi Onguediva ota lyata etanga pehena eongaongo alikana.

Robert M. Karapo (kaptein),
Omukavango.

AUNE SHILONGO

Okwa thiki ndi shi nale nookuli mOwambo. Ota kala kEngela nota ende mpeyaka nampeyaka moshilonga shaagundjuka mongerki yetu.

Aune oye gwtango omukadhona ta tseya okuhinga oshihauto.

Aawambo aakiintu itaa hingi manga iihauto. Otaa vulu okuhinga iihauto ngele taa longwa okuhinga, shaa tuu ehala lyokuhinga tali tutulwa kaahingi yongashingeyi notaa gandja eha nokaakiintu.

Aune okwa longwa okuhinga konkulungu muSoomi nongashingeyi ta idheula okuhinga mevi ndika lyimpungu, lyomavugu noondj'la dhomagoli. Otatu mu halele oonkondo oompe dhesiku kehe.



EHOKOLOLO LYEGONGELO LYIINIWE MOMAGONGALO 1966, EKWATHO KOMA- GONGALO 1964-1967 NOMAHANGANO- TUMO MONGERKI

Otandi inekele oku noyendji mboka ya tegelela nondjuulukwe okuuva omahokololo giiketha yongerki nkene ya taamba noya longitha iiniwe yayo 1966. Mpaka otapu landula ehokololo lyegongalo nelongitho lyiiniwe momagongalo 1966, ekwatho komagongalo 1966-1967, niiketha yomahanganotumo mongerki.

Ngele tatu tala omagongalo nkene ga gongele iiniwe yago 1966, otatu mono uyelele wa gwana ngele tatu yeleanitha okugongela iiniwe ya gongelwa komagongalo 1966, noyomumvo 1966.

IITAAMBWA OYA LI NGEYI

| | |
|---|------------|
| Oshihupe shoka sha hupile momagongalo 1966..... | R3922. 00 |
| 1. ligandjiwa ya gongelwa 1966 | R29780. 98 |
| 2. Oongalo dha gongelwa | R 6358. 44 |
| 3. Omagano ga gongelwa ,, .. . | R 5362. 86 |
| 4. Iitaambwa yilwe ,, .. . | R12747. 74 |
| Ekwatho lyoondjambi 30% na 50% .. . | R54250. 02 |
| | R13582. 00 |
| | R67832. 02 |
| Ayihe kumwe oya kala nee..... | R71754. 02 |

IIFUTWA OYALI NGEYI

| | |
|--------------------------------------|------------|
| 1. Oshitine sha futwa 1966 | R 6982. 96 |
| 2. Oongalo dha futwa ,, .. . | R 4652. 60 |
| 3. Omagano hokano ,, .. . | R 818. 35 |
| 4. Oondjambi dha futwa ,, .. . | R39607. 96 |
| 12. Iifutwa yilwe ,, .. . | R12633. 77 |
| Oshihupe sha hupile momagongalo .. . | R64695. 64 |
| | R7058. 38 |
| | R71754 02 |

Pakutala ehokololo lyiiniwe yomagongalo gongerki yetu 1966 omagongalo oga piti nawa omimvo ndhika ndatu kekatho ndyoka lya 30% Okuza 1965, iiniwe yomagongalo ya tameke okwiindjipala. Omumvo 1965, omagongalo oga gongele mugogene

1966, egongelo ndyoka olya indjipala

Shika osha holola ihe kutya, egongelo lyomagongalo ...

Nonande eindjipalo lyiiniwe momagongalo 1966, li li po ngeyi eshona pakuyeleka naandyoka 1965, (R18470. 00,) itashi ti ando omagongalo oga shuna monima mokugongela, aawe, otashi ti ashike 1965, omagongalo oga dhike omukanka gwotango gweindjipaleko lyiiniwe nkoka taga kala taga tsikile, opo ihe 1966 oga tsikile kushoka ge shi tameke nelelalakano lyokwaadha ethikilo ge li taalela. Oonkambadhala ndhika momimvo mbali (1965-1966,) momagongalo omwa holokele eindjipalo li thike R28603. 02.

(Tala etsikilo moshifo tashi landula.

M. Ngipandulua.

ESHIIVIFILO

OSKOLA YOVAYAKULIHAKULI MOIHAKULILO otai ka hovela meti-1.6.1967 moshihakulilo mEngela. Oskola ei tai tambula oukadona ovo va pita St.VI.

Eembapila tadi pumbiwa odo: Ondombwedi yaSt.VI, ondombwedi yeongalo, epopilo lomulongi ile lomufitaongalo.

Tuma eembapila edi komukulunhu woskola oyo.

Irja Soikkeli,
Engela,
P.O.Oskikango,

UYELELE

Kalunga, shitila ndje omwenyo gwa yela Ps.51:12. Omwenyo gwa yela, ekota lyuwanawa womuntu. Andola kaku nuyelele, ando kaku nuwanawa. Omupsalomi David okwa tumbula etumbulo ndyoka lye 51:12. Olya hololele ndje aluhe okukala kwanndje konima yuudhigu wandje hau adha ndje esiku nesiku. Omwenyo ngele gwa kololokwa komalyenge ga li ge gu manga, nena ondu uvite ogwa yela. Ihe otatu shi tseyeni nawa kutya, muuyuni mbuka omwenyo ohagu lyengekwa ishewe komalyenge omape noinagu yela nawa we. Ngele gwa yulululwa nena ohandi fudha mokule nokutumbula ngaaka: Kalunga, shitila ndje omwenyo gwa yela.

Muyelele womwenyo omuntu ta vulu okulonga ayihe iyelele, ngaashi tagu mu ulukile. Omwenyo gwa mangelwa momilema komalyenge guulunde itagu inyenge, nenge itagu zi nando edhiladhilo limwe ewanawa, nenge lya yela aawe, oshoka ogwo omuposi. Otandi mu halele etumbulo ndika ongeindilo lyevalululo lyomwenyo esiku kehe, one aaleshi aakwetu yoshifo shika.

OITA YAVIETNAM

Eemwenyo dihapuhapu otadi kana efimbo alishe moita yaVietnam. Konyala oshivike keshe, otaku kundana efyo lovanhu vahapu. Ooina noxe novadalwa otava pewa ngaha eenghali nomaluhodi. Omaumbo ova kwaita taa ningi oyuumbo. Eedila da longwa noimaliwa ihapu noshu oilwifo yondilo tai hanaunwapo moita. Ounona vomeefikola novanaudu tava mono oiponga molwoita pamikalo dihapu. Oku twa fa tu li nawa nde kwinya ondwi oya twima. Eilikano letu linene: "KELELA OITA NONDJALA NOUDU," nali xwame.

EEDI 143 ODAFYA

Keetmanshoop. - Eedi 143 domutilyane Isak van Neikerk womopeleka yaKeetmanshoop oda fya komukifi weedi wokomalaka. Eshi a kanifa osha valulwa shifike peeR4.000.

OSHIMALIWA OSHIPE

Epangelo lyaSuid-Afrika olya longopo ishewe oshimaliwa oshiipe. Osho oRanda yimwe ihe oshikukutu. Ano mOshiwambo otatu ti engwanda lyomulongo. Osha taandelithwa ngashi-ngeyi.

OUNYUNI OTAU TONGO SHIKE

OMUSHAMANE ADENAUER A XULIFA

MuWes-Duitsland, mwa kundanwa kutya, omushamane Konrad Adenauer, nale omukulunhu wepangelo muWes-Duitsland okudja nale, okwa fya komukifi wa lukwa "bronchitis."

Elaka louvela ola udika keembinga dounyuni nosho yo onghundana yokufya kwaye. Keemtinga neembinga kwa dja omalaka euditonghenda.

ODILA YAWA MOMBADA 35 OVA FYA

Algeria. - Odila DC4 yovaAlgeria, oya wa mombada popepi naOuargla muAlgeria nde ya dipaa ovanhu ve fike 35.

Odila okwa li tai tuka tai di moshilando Algiers ya yuka kuTamanrasset muSahara. Ouargla osho olukanda lwopofifiya mombuwa, eerraila nhano okudja kuTamanrasset. Odila oya wa mombada eshi yali puku ka wila. Eshi sha etifa oshiponga inashi shiivika.

OSHOONGALELE MUAMERIKA

Oshoongalele shokuufa oinima yomadu (Algemene Vergadering) oshi li paife mondabo. Oinima ilili noi lili otai kundafanwa. Otamu kundafanwa yo unene Suidwes.

JONATHAN A HALA OKUTALE- LAPO SUIDWES

Maseru. - Omushamane Leabua Jonathan, oministeli yotete yaLesotho, okwa popya omafiku aa kutya, okwa hala okutalelapo Suidwes nokutala onghalelo yamo.

Omushamane Jonathan okwa popya ngaha moshooongalele shimwe sha ongala muPeka moumbanganhu waLesotho nde ina popya kutya, ote ke uya naini.

OVANENENHU VA FIMANEKA DR. ADENAUER

Omupresidente Johnson waAmerika okwa ile kuWes-Duitsland, a kale mepako lomushamane Adenauer. Olwotete omushamane Johnson a yako kuWes-Duitsland ngaha, osheshi ina endako nale eshi a ninga opresidente yaAmerika. Okwa ya ko nomalanga aye.

Omushamane de Gaulle waFrankryk naye okwa yako. Omushamane Muller, oministeli yoinima yopondje yaSuid-Afrika novafindikili, ova ile yo kepako lomushamane Adenauer.

A SI SHO A PONDWA

Omufuko Helena Toivo, gwopOndjondjo, okwa si omasiku ngakamoshipangelo mOnandjokwe. Pama-hokololo, okwa pondelwa uusiku monduda ye yokulala. Sho a pondwa, okwa falwa koshipangelo kee li nawa nopo a mana oondjenda. Omulumentu gumwe okwa kwatwa mekwatathano ndika nokwa dhigininwa ngashingeyi kaapolosi.

Omudhimba gwanakusa gwa falwa kOshakati noko gwa konakonwa nawa nopo gwa etwa ishewe kOniipa. Nakusa okwa fumvikwa momawendo gOnandjokwe, moka mwa fumvikwa nale he Toivo.

U THANT NOMBILI YOUNYUNI

Hamushanga munene woilongo yahangana womuAmerika, ota kondjo a hala oita yaVietnam i xule nde pa ningwe ombili. Omolwashi ota endenda nokukundafana novawiliki woilongo oyo tai lu muVietnam, pa ningwe ombili.

OKANONA KA KANA NDE OKA HANGIKA KA FYA

Omudimba wokanona okalaule Dominicus Kariseb, owa monika kovapolifi konima eshi ve ka konga omafiku atatu.

Dominicus okwa tongwa kutya, okwa kana efiku eti-16 laApilili. Okanona oka kala povakulunhu vako mofalama yopuGobabis. Ovapolifi kumwe novanhu vamwe ova landula omhadi nde konima yeemaila 30 okwa monika a fya.

118 VA FYA MODILA

Nicosia. - Ovanhu 118, novashingidila vatano, ova fya moshiponga shodila. Odila oyovaBrittanje. Oya andwa koluvadi fimbo ya li tai wile mokapale keedila Nicosia. Vahapu valimo ovaingilisha. Opa kala oupyakadi munene.

ONGODHI YOMEFUTA TAYI KA LONGWA

Otaku ka longwa ongondhi (kabel) tayi ende koho yefuta pokati kiilando Kaapstad naLisabon. Oya dhiladhilwa yi tamekwe okulongwa muSeptemba nuumvo. Oonkundathana moongondhi pokati kiilando mbika iyali otadhi ka enda ihe nuupu.

OMUDIMBA WOMULAULE WA MONIKA

Ovapolifi otava konakona efyo lomumati omulaule weedula 20, oo omudimba waye we lituwa eemaila nhatu okudja mOtjiwarongo.

Eshi pa konakonwa opa monika kutya, nakufya okwa mona oshiponga momutwe. Omudimba owa hangwa wa ninga omafiku noshinima otashi konakonwa.

OSHIPAMBU SHODILA SHA MONIKA

Kaapstad. - Oshipambu shodila Rietbok-Viscou yaSuid-Afrika, oyo ya wilile mefuta puOos-Londen, osha umbwamo mefuta komeva. Osha hangika pomunghulo wefuta puSkip-skop. Osha hangwa eemaila 700 okudja opo odila ya mbolokotela mefuta omwedi ou waya. Ovanongonhu ova yako va konakone.

OONDJUHWA 19,000 TADHI DHIPAGWA

Kaapstad. - Oondjuhwa dhi vule 19,000 pofaalama yi li muuninginino woshitopolwa shaKapa, otadhi dhipagwa anuwa. Otashi ningwa opo ku keelwe omukithi gwoondjuhwa gwalukwa moshidhuma: "Newcastle siekte". Omukithi nguka ogwa monika pofaalama ndjoka opakonakono lyondokotola onkuluntu yimuna, omusamane G. L. Muller.

EPANGELO LAKONGO

Ola shiivifa kutya, diva otali ka longela kumwe nepangelo laEgipti vali. Elongelo kumwe lavo ola li la tokaukupo okudja omudo 1964, pefimbo olo omushamane Moise Tjombe a kufilweko koshipundi ine shi sheya.

SWAZILAND TALI MANGULUKA

Paife oshilongo Swaziland osha mona omaufemba awana kutya, shi lipangele nde shi manguluke pafaneko laEngland omudo 1969. Omushamane Dlamini, oo a ninga oministeli yotete yaSwaziland, okwa popya kutya, emanguluko lavo li nokukalako omudo tau uya ashike.

Swaziland ola kala melongelokumwe liwa naSuid Afrika. Osho elongelokumwe nomangela yavo naMozambique, Leshotho naBotswana naSuid Afrika kombinga yomeva, oo taa ka eta ehapuluko moilongo ei, oya kundafana nde pa talwa osho onghatu iwa.

OTWA HALA OKULONGELA KALUNGA NOMALIKO GETU

Esiku eti-5/4/1966 aagundjuka megongalo lyaTsumeb omboka aanii-longa naatuli mo pamwe naakuluntu yawo, oya gongala nawa mohungi yawo.

Oondjimbo nomahokololo ito hala dhi hule. Pwa dhimbululwa wo aagundjuka oyendji oya dhigininine nawa oshigongi shawo. Yata tu yomuyo ya pandulwa noya pewa oohapu dhaKalunga adhihe dhi kale omata-ti gawo mokukondjitha satana. Tashi ti shaa gumwe okwa pewa Ombimbeli Ondjapuki.

Aamati yamwe yokomboni hayi ithanwa oSmelta muTsumeb, oya li ya gongele omagano getumo. Peha lyawo pehulilo lyohungi omuwiliki gwawo Tomas Ndeulita okwa ti: "Natse wo otwa hala okulongela Kalunga nomaliko getu." Omuwiliki okwa tula omagano poshitaafula. Okugandja kwa tya ngaaka okwa hwamitha ohungi ayihe. Gumwe Mangundu okwa ti: Natse wo otwa hala oku-

mu kwatha mokulongela Omuwa." Ohaluka miipundi omwa yela. Shila oto uvu owala "kwele"! tashi ti oshisilveri shOmuwa taa gandja mongalo yombaadhilila. ElongeloKalunga ndika nomaliko nando ohaluka olya eta ngeyi: Mbyoka ya gongelwa noya hwamitha ohungi oya li:


| | |
|-----------|----|
| Uumbindja | 3 |
| Oothewa | 13 |
| Oshiyata | 1 |
| Opena | 1 |

Ongalo yombaadhilila ya zi R8.44. Omusamane gumwe a gandja omaganotumo peha lye nomukulukadhi gwe R2.00 omukulukadhi gwe okwa li mOwambo, ye okwa li kiilonga. Ongalo yombaadhilila oya eta kumwe R10.44

"Otwa hala okulongela Kalunga nomaliko getu"! osho Tomas Ndeulita Ohalushu a ti na osho ya longa. Kalunga ita dhimbwa nando okupandula nokuyambeka aagandji ayehe.

Ngoka a mono mbika,

K. Dumeni.



Ovamati vavali otava lifa eengobe. Ove li omutumba tava tulumukwa.

OVALESHI TAVA NYOLA

Hafeni Neliwa, Onhelewa, ota nyola: Opena ovaindili vahapu, vamwe hava indile nawa, vamwe hava indile nai. Osho pe novanhu vamwe hava hafefe omaudjuu nge taa hange vakwao. Vamwe va hokwa omalwoodi neenhamana-na komesho yombili. Ove ou hole shike? Tu efeni oyo tai nyono ombili nde tu lalakaneni oyo tai eta ombili, osheshi Kalunga ketu omunamapangelo aeshe oye Kalunga kombili.

Vilho Gabril, Ohanguena, okwa nyola vali ngaha: Moshongalele shovadali sha ongala mEngela 8/4/1967, sha wilikwa komushamane Henok Haludilu, omwa kundafanwa oshinene-nima. Omulongi Gabriel Hamukonda okwa pula epulo ta ti:

Oshike okulonga okatekisa meesikola ka fyamo? Ngeno kaka filemo. Muko omu noipango 10 yaKalunga, oyo tuu okanona keshe taka pumbwa oku ishiiwa moskola. Oyo omukangha wemukriste, tau kwafa omunhu mukukalamwenyo.

Ngenge ounona tava putuka vehe i shii, ope noshiponga moshiwana. Ngeno ovanafikola eshi tava takuma omalaka, ngeno va takume yo oipango. Ngenge meeskola oipango itai longwa, ohole, ombili, etiloKalunga nengungumano otai ka dja peni?

Hilja Nghiuerekwa, Onekwaya, ota ti: Omukulukadi omupaani meme Ndilipo Nangolo, omudo 1963. ounona vaye vavali oukadona ova pila moduda nde va lungwina filu. Omudo 1964 meme ou okwa shashwa edina lipe nde a ninga ngaha omukriste. Opo efimbo la shikula, meme Sesilia okwa mona omaano ounona vavali ovamati. Kalunga e mu pa ounona vavali ponhele yavavali va pila mondu-da. Osho Kalunga te tu kongo atushe tu lidilulule nde pefimbo liwa ote tu pe osho twa pumbwa.

Jason Samuel, Oranjemund, ota ti: Kombada yedu kaku na ewano. Ehafo lounyuni olokafimbo. Ovo tava kanyatele koyounyuni, lunga ve ke lipa eembedi. Ope nomukotokeli, ta ende moineya a hala okuvakula po oshipe-wa shetu oye satana. Tu endeni alushe twa pashuka, fye tu nongele efimbo lekongo letu, osheshi omafiku omai.